

*nd, lång*

Neljäle riikinpelmannille jaethaan kulttuuripalkinto

”Levittävä ja elävöittävä kansanmusikkia”

TORNIONLAAKSO

**Riikinpelmannit Fredrik Hangasjärvi, Pajalasta, Daniel Wikslund, Tjautjaksesta, ja Svante Lindqvist ja Göran Eriksson, Luulajasta, saava palkinon heän elämänaijan kestäneestä Norrbottenin kansanmusikin innotuksesta.**

Sparbanken Nord jakkaa näile neljäle mainitun pankon kulttuuripalkinon.

– Net pitävä huolta Norrbottenin musikkiperinteistä ja net tekevä korvaamatonta työtä levittääksheän ja elvyttääksheän meän kansanmusikkia, sannoo Gunnar Eikeland, Sparbanken Nordin vt.

### **Svante ensin**

Sen lisäksi sanothaan, ette vuen kulttuuripalkinon saajat pellaava vaikutettuina ruottalaisesta, suomalaisesta ja saamelaisesta perinteestä. Kaikin oon riikinpelmannia, mikä oon kunnianosotus, jonka saavuttaa ko oon pelanu arvostelulautakunnale ja niiltä saanu heän korkeiman hyväksynnän.

Göran, Svante ja Daniel pellaava fiulia, Fredrik kaksrivistä duuroittopeliä. Svante Lindqvist oon aikasemmin saanu villin harvinaisen kultamerkin – kunnan kunnianosotuksen. Kuten muutki Svante tykkää, ette se oon hullunhauskaa ko kansanmusikki saapi huomiota. Itte hään oon vanhiin läänin riikinpelmannista. Se hänestä tuli jo 1977.

### **Arvokhaita panoksia**

Palkinonjakajanna oli Gusten Granström, Sparbanken Nordin puhheenjohtaja, pankon vastuumieskokkoksessa, tuorestaina 14. huhtikuuta Piitimessä.

Tämä tällä hetkelä ajankohtanen palkinto on jaettu vuesta 2004 ihmisille taikka föreninkile. Se annethaan arvokhaista panoksista Norrbottenin kulttuurielähmään.

Eeliset palkinonsaajat on seuraavat:

**2004** Albert Falk, jäätäiteilija, Jällivaara

**2005** Ingela Bergman, Hopeamuseo, Arjepluuki

2006 Ulla ja Ronny Eriksson, Krukutiili, Piitin

**2007** Lars Pirak, taiteilija, Jokkmokki

**2008** Båtsuoj mettäsaamesentteri, Arvidsjauri

**2009** Sture Berglund, taiteilija, Piitin

**2010** Agneta Andersson, taiteilija, Kiruna

**2011** Bengt Pohjanen, kirjailia, Ylikainus

**2012** Arjepluukin filmifästivaali

**2013** Musikkiföreninki Tuhanen säveltä, Kiruna

**2014** Mikael Niemi, Pajala

***Marianne Berglund, namn***

Riikinpelmannit Daniel Wikslund ja Fredrik Hangasjärvi palkithaan heän panoksesta musikkielähmään

**Bild: Kulturpris2-MB.JPG 74**

***Marianne Berglund, namn***

Riikinpelmannit Göran Eriksson ja Svante Lindqvist saava pankon kulttuuripalkinon